

FRÉTTATILKYNNING

3. nóvember 2009

Marel Food Systems kynnir afkomu þriðja ársfjórðungs 2009

Góð afkoma; nýr kostnaðargrunnur og bætt markaðsumhverfi

- Tekjur af kjarnastarfsemi námu 111,9 milljónum evra á þriðja ársfjórðungi, sem er 4,4% hækkun miðað við síðasta ársfjórðung (Q3 2008: 143,1 milljónir evra).
- EBITDA af kjarnastarfsemi var 18,6 milljónir evra, sem er 16,6% af veltu (Q3 2008: 20,9 milljónir evra; 14,6% of veltu).
- Rekstrarhagnaður (EBIT) af kjarnastarfsemi var 13,1 milljónir evra, sem er 11,7% af veltu (Q3 2008: 15,7 milljónir evra; 11% af veltu).
- Hlutafjáreign erlendra aðila jókst í 16% eftir kaup Columbia Wanger á 5,2% eignarhlut í Marel.

Heildarafkoma¹

- Heildartekjur á þriðja ársfjórðungi 2009 námu 133,7 milljónum evra (Q3 2008: 170,6 milljónir evra).
- Heildar EBITDA var 18,0 milljónir evra á þriðja ársfjórðungi 2009 (Q3 2008: 20,8 milljónir evra) og heildar rekstrarhagnaður (EBIT) var 11,8 milljónir evra (Q3 2008: 14,5 milljónir evra).
- Hagnaður eftir skatta var 0,9 milljónir evra á þriðja ársfjórðungi 2009 (Q3 2008: 4,5 milljónir evra).
- Nettó vaxtaberandi skuldir námu 348,0 milljónum evra.
- Brúarlán vegna starfsemi Food and Dairy var framlengt um tvö ár til október 2011.

Theo Hoen, forstjóri

„Við erum ánægð með rekstrarafkomu ársfjórðungsins. Við erum áfram mjög meðvituð um kostnaðarhliðina í rekstrinum í ljósi þess hve batinn er hægur. Það er stöðugleiki í fjölda pantana af kjarnastarfsemi á þriðja ársfjórðungi eftir vöxt á fyrstu tveimur ársfjórðungum ársins. Kostnaðaraðhaldið hefur gert okkur kleift að auka

¹ Heildarafkomutölur ná einnig yfir rekstur sem skilgreindur er sem utan kjarnastarfsemi fyrirtækisins. Er þar átt við starfsemi Food and Dairy Systems og Carnitech, að frá talinni starfsemi Carnitech í laxaiðnaði og á sviði frystibúnaðar, sem og starfsemi Carnitech í Bandaríkjunum, sem er nú rekin undir merkjum og yfirstjórn Marel.

framlegð og rekstrarhagnað. Eftir þær aðhaldsaðgerðir sem við höfum ráðist í á síðastliðnu ári er kostnaðargrunnur fyrirtækisins nú töluvert lægri en hann var áður.

Nú einbeitum við okkur að því að ná fram þeim samlegðaráhrifum sem stefnt var að við sameiningu Marel og Stork Food Systems. Við hlökkum til að geta boðið viðskiptavinum okkar upp á framúrskarandi ný kerfi sem sameina þá háþrúðuðu tækni sem fyrirtækin geta nú boðið upp á sem eitt félag.

Við erum stolt af því að Columbia Wanger Asset Management, dótturfélag Bank of America, hefur eignast hlut í félaginu. Hluthafar hafa stutt vel við stefnu okkar á undanförunum árum og það er hvetjandi fyrir okkur að alþjóðlegir fjárfestar skuli hafa trú á félaginu og framtíð greinarinnar.“

Rekstrarumhverfi

- Lykilmarkaðir Marel fyrir sölu á tækjum og kerfum til vinnslu á matvælum eru á batavegi en batinn er hægari en gert hafði verið ráð fyrir.
- Pöntunum hefur fækkað lítillega, eða um 4% milli ársfjórðunga, þrátt fyrir sumarleyfistímann þegar minna er um viðskipti.

Eftir aukningu tvo ársfjórðunga í röð fækkaði pöntunum hjá Marel einungis lítillega á þriðja ársfjórðungi þrátt fyrir sumarleyfistímann en þá er venjulega minna um viðskipti en á öðrum árstímum. Það kunna engu að síður að verða einhverjar sveiflur í fjölda pantana á komandi ársfjórðungum vegna hagsveiflna og tímasetninga stærri verkefna.

Fjármálastofnanir hika enn við að fjármagna stærri fjárfestingar og hefur það orðið til þess að stærri pantanir hafa sumstaðar frestast, einkum í Norður-Ameríku og Austur-Evrópu. Aftur á móti er merkjanlegur bati í sölu á meðalstórum kerfum og hefur orðið veruleg aukning í slíkum verkefnum. Tekjur af sölu á varahlutum og þjónustu eru sambærilegar við tekjur ársins 2008.

Matvælaíðnaðurinn

- Það er aukin virkni í öllum undirgreinum iðnaðarins.
- Mestur vöxtur er í vinnslu á kjúklingi.
- Aukin fjárfesting er í fiskvinnslu, sérstaklega í vinnslu á hvítfiski og laxi.
- Töluverður bati hefur orðið í kjötiðnaði, einkum í sölu meðalstórra kerfa.
- Það er mikil virkni í frekari vinnslu en hún skilar sér hægt í aukinni sölu.

Þrátt fyrir áframhaldandi kostnaðaraðhald leggur Marel mikla áherslu á rannsóknar- og þróunarstarf til að tryggja stöðugar framfarir í framboði á vörum fyrir allar fjórar undirgreinar iðnaðarins. Það er aukin virkni í öllum geirum iðnaðarins en það er munur á markaðsaðstæðum eftir geirum.

- **Fiskur:** Sala til fiskiðnaðarins er nálægt þeim markmiðum sem sett voru í upphafi árs. Noregur er um þessar mundir langstærsti markaðurinn í fiski eins og nýleg dæmi um stór verkefni í laxi og hvítfiski sanna. Þó sala til sumra landa sé enn treg hefur útkoman annars staðar farið fram úr væntingum, eins og t.d. í Litháen og Kanada. Almennt stendur laxaiðnaðurinn vel og verð á laxi er hátt. Í janúar 2010 taka nýjar reglur gildi í Evrópubandalaginu þar sem farið verður fram á aflavottorð við innflutning á fiski. Fyrirtæki munu þurfa að koma sér upp ferlum til að rekja uppruna afla sem mun skapa tækifæri fyrir Marel.

- **Kjöt:** Kjöttiðnaðurinn er smám saman að ná sér á strik eftir að hafa verið í lægð undanfarið ár. Markaðurinn hefur brugðist mjög vel við þeim samþættum kjötvinnslulausnum sem Marel býður upp á. Fyrir tveimur árum var ákveðið að leggja einkum áherslu á meðalstór verkefni fyrir meðalstór vinnslufyrirtæki og hefur það gefist vel. Um þessar mundir er fjöldi slíkra verkefna í bígerð. Svínakjötsmarkaðurinn í Bandaríkjunum og Evrópubandalagslöndunum er að styrkjast þó enn sé á brattann að sækja hvað verð á svínakjöti og hagnað af vinnslu varðar. Góð aðsókn var að Worldwide Food Expo/AMI matvælasýningunni í Chicago (28.-30. október) þar sem Marel sýndi m.a. nýtt samþætt kerfi sem sameinar innsprautunarvél frá Townsend og tilvaxtareftirlitskerfi frá Marel.
- **Kjúklingur:** Víðast hvar hefur kjúklingaiðnaðurinn náð góðum bata og sala aukist. Tafir á kornuppskeru hafa valdið verðhækkunum á korni og sojabáunum í Norður-Ameríku. Þessar hækkanir hafa hins vegar ekki komið niður á stórum verkefnum sem nýlega var gengið frá við framleiðendur í Kanada og Suður-Ameríku. Framleiðendur halda áfram að fjárfesta í úrbeiningarkerfum frá Stork, sem og heildstæðum kjúklingavinnslukerfum. Engu að síður er ólíklegt að hreyfing komist á stærstu verkefnin fyrr en á fyrsta eða öðrum ársfjórðungi næsta árs. Búist er við að kjúklingaframleiðsla muni aukast um 10% árið 2010 á mörkuðum eins og Rússlandi, Indlandi, Argentínu og Íran.²
- **Frekari vinnsla:** Framleiðendur í frekari vinnslu hafa hagnast á því að efnahagslæggðin hefur valdið aukningu í neyslu ódýrari próteina, t.d. kjúklings og unninna vara eins og pylsna. Þeir hafa einnig haft hag af því að neytendur kjósa í auknum mæli frekar að veita sér meiri munað í heimatilbúnum mat en að borða úti. Strax um vorið 2008 sagðist nærri helmingur Bandaríkjamanna finna fyrir verðhækkunum á matvælum og um 30% aðspurðra hafði brugðist við með því að borða oftari heima, samkvæmt könnun Gallup.³ Framleiðendur í frekari vinnslu hafa brugðist við þessum breytingum á neysluvenjum með því að aðlaga og uppfæra framleiðsluferli og –kerfi.
- **Viðskiptavinur í nærmynd – Sysco Corporation:** Sysco Corporation, sem er í fararbroddi á heimsvísu í matvælaþjónustugeiranum, starfrækir 17 kjötvinnslustöðvar í Bandaríkjunum og Kanada. Þegar Sysco ákvað að byggja nýja vinnslustöð í Buckhead, New Jersey, til að leysa eldri stöð af hólmi leitaði fyrirtækið til Marel. Sysco stefndi að því að auka framleiðslugetu um minnst 50% með nýju samþættu vinnslukerfi. Þar að auki vildi fyrirtækið geta fylgst með og mælt frammistöðu einstakra starfsmanna og bætt flæði vinnsluferlisins. Lausnin sem Marel lagði til byggist á nýja StreamLine vinnslukerfinu sem er að fullu samþætt við Innova, háþróaða framleiðslustýringarhugbúnaðinn frá Marel. Kerfið færir Sysco mun betri stjórn og yfirsýn yfir framleiðsluferlið og gerir fyrirtækinu kleift að fylgjast náið með nýtingu, afköstum og gæðum afurða hjá hverjum starfsmanni fyrir sig í gegnum allt ferlið. Þá er hægt að stýra hraða vinnslulínunnar og hraefninu er skilað áfram á næsta vinnslustig með sjálfvirkum hætti sem bætir mjög vinnslufæðið. „Lausnin frá Marel mun gera okkur kleift að auka framleiðslugetu um 50% án fjölgunar starfsfólks og bæta nýtingu um 2-4 prósentustig. Við erum mjög ánægð með að vera fyrsta kjötvinnslustöðin í Bandaríkjunum til að taka þessa háþróaðu nýju vinnslulínu í notkun,“ segir Gary F. Szura, forstöðumaður Buckhead Beef NE, í eigu Sysco Corporation. Velgengni þessara samþættaðra kerfa ber mikilvægi nýsköpunar og rannsóknar- og þróunarvinnu glögg vitni. Þess vegna fjárfestir Marel 6-8% af veltu í nýsköpun en það er hæsta hlutfall sem fyrirfinnst í greininni. Hægt er að nálgast frekari upplýsingar um Sysco Corporation á vefsíðu fyrirtækisins, www.sysco.com.

² Samkvæmt tölum frá U.S. Department of Agriculture, landbúnaðarráðuneyti Bandaríkjanna.

³ “Winning Shoppers in Turbulent Times” – skýrsla unnin af Unilever.

Helstu atburðir á tímabilinu

Sambætting og kostnaðaraðhald

Vinna við sambættingu Marel og Stork Food Systems er nú hafin með það fyrir augum að ná fram þeim samlegðaráhrifum sem stefnt var að við sameiningu fyrirtækjanna. Hafist hefur verið handa við þróun nýrra vara sem sameina þá háþrúðu tækni sem fyrirtækin búa yfir með það að leiðarljósi að hámarka virðisauka til viðskiptavina. Að auki er verið að móta samræmt viðmót gagnvart viðskiptavininum með því að sameina skrifstofur og dótturfyrirtæki sem fyrirtækin starfrækja um allan heim. Þetta mun einnig auka hagkvæmni og árangur af alþjóðlegu markaðsstarfi. Endurskipulagningin verður framkvæmd í skrefum til að trufla sem minnst daglega starfsemi.

Marel leggur áfram mikla áherslu á kostnaðaraðhald og hagræðingu. Í heild hafa um 25 milljónir evra sparast á ársgrundvelli. Þar af leiðandi byggist starfsemi fyrirtækisins nú á mun lægri kostnaðargrunni en áður. Megnið af sparnaðinum kemur til vegna fækkunar starfsfólks. Í lok annars ársfjórðungs 2008 störfuðu 4.108 manns hjá fyrirtækinu. Í lok þriðja ársfjórðungs 2009 var fjöldinn kominn niður í 3.565.

Sjóðstreymi

Eitt af helstu markmiðum ársins er að styrkja sjóðstreymi enn frekar. Þess vegna var fyrir u.þ.b. einu ári ráðist í aðgerðir til að draga úr veltufé með því að minnka birgðir og fækka fjölda skuldunauta.

Marel var með jákvætt sjóðstreymi á þriðja ársfjórðungi upp á 5,1 milljónir evra þrátt fyrir að reksturinn hafi vaxið í samanburði við síðasta ársfjórðung, en það jók þörfina á veltufé. Á heildina litið er lítil fjárfestingarþörf hjá fyrirtækinu og voru fjárfestingar í lágmarki á þriðja ársfjórðungi.

Marel mun halda áfram aðgerðum til að draga úr veltufé að minnsta kosti út árið 2010 til að minnka enn frekar birgðir og fækka fjölda skuldunauta. Þar sem rekstur fyrirtækisins er í vexti munu þessar aðgerðir ekki nauðsynlega leiða til aukins sjóðstreymis.

Fjármögnun

Þann 25. september s.l. var tilkynnt að sjóðir á vegum Columbia Wanger Asset Management, dótturfélags Bank of America Corporation, hefðu fest kaup á samtals tæplega 32,2 milljónum hluta í Marel sem jafngildir 5,2% eignarhlut. Fóru viðskiptin fram á genginu 59,0. Greiðslan var innt af hendi í byrjun októbermánaðar. Við þessi viðskipti hækkaði alþjóðleg eignaraðild í Marel úr 11% í 16% sem er í samræmi við stefnu fyrirtækisins um breiðari eignaraðild að félaginu.

Marel hefur nú endurfjármagnað lán tengt kaupunum á Food and Dairy Systems og er endurgreiðsla á láninu nú í október 2011. Marel er ekki með nein útistandandi skammtímalán.

Núverandi lausafjárstaða nemur 51,1 milljónum evra og er enn tiltölulega góð. Fyrirtækið er vel í stakk búið til að takast á við það markaðsumhverfi sem nú ríkir.

Eignir utan kjarnastarfsemi

Einum af tveimur framleiðslustöðum í Danmörku í eigu Carnitech, sem skilgreint hefur verið sem utan kjarnastarfsemi Marel, var lokað á ársfjórðungnum. Var starfsemin sameinuð á staðnum sem eftir stendur.

Eins og áður hefur verið greint frá var lokið við tvær sölur á eignum utan kjarnastarfsemi á öðrum ársfjórðungi. Var þar um að um að ræða fasteignir í Amsterdam sem áður tilheyrðu Food & Dairy hluta Stork Food Systems og Scanvaegt Nordic A/S fyrirtækið sem starfar utan matvælaíðnaðarins. Frekari sala eigna utan kjarnastarfsemi er enn til athugunar.

Afkoma þriðja ársfjórðungs 2009

Vinasamlegast athugið að tölurnar fyrir fyrstu níu mánuði ársins 2008 innihalda tölur frá Stork Food Systems og Stork Food & Dairy frá og með 1. maí 2008.

Rekstur þriðja ársfjórðungs – helstu tölur í þúsundum evra

	Q3 2009	Q3 2008	YTD 2009	YTD 2008
Sala	133.659	170.633	395.995	389.648
Rekstrarhagnaður (EBIT)	11.771	14.528	27.604	27.853
EBIT sem hlutfall af sölu	8,8%	8,5%	7,0%	7,1%
Hagnaður/(tap) tímabilsins	858	4.529	11.233	15.325
Hagnaður/(tap) tímabilsins sem hlutfall af sölu	0,6%	2,7%	2,8%	3,9%
EBITDA	17.986	20.755	46.738	42.196
EBITDA sem hlutfall af sölu	13,5%	12,2%	11,8%	10,8%
Sjóðstreymi frá rekstri	5.065	2.746	24.669	13.885

Kennitölur í lok tímabils	30.09.2009	31.12.2008
Arðsemi eiginfjár	5,1%	-3,6%
Veltufjárlutfall	1,5	1,0
Lausafjárlutfall	1,1	0,5
Eiginfjárlutfall	34,8%	31,3%
Hagnaður per hlut í evru sentum	1,91	(1,71)
Markaðsvirði hlutafjár í milljónum evra m.v. gengi í lok tímabils	210,3	265,8
Nettó skuldir	347.958	379.405

Afkoma af kjarnastarfsemi

Undanskilin frá kjarnastarfsemi er starfsemi Stork Food & Dairy Systems og Carnitech A/S.

Helstu tölur úr rekstri kjarnastarfsemi Marel í þúsundum evra

	Q3 2009	Q3 2008	YTD 2009	YTD 2008
Tekjur	111.922	143.065	322.304	426.787
Rekstrarhagnaður (EBIT)	13.064	15.695	17.840	44.172
EBIT sem hlutfall af sölu	11,7%	11,0%	5,5%	10,3%
Hagnaður/(tap)	2.241	5.876	3.909	30.203
Hagnaður/(tap) sem hlutfall af sölu	2,0%	4,1%	1,2%	7,1%
EBITDA	18.587	20.931	34.669	59.212
EBITDA sem hlutfall af sölu	16,6%	14,6%	10,8%	13,9%

Horfur

Búist er við að núverandi jákvæð þróun á mörkuðum haldist eða batni lítils háttar á komandi mánuðum. Reiknað er með að árið 2010 fari betur af stað en árið 2009. Afkoma mun batna í samræmi við aukin umsvif á mörkuðum og mun fyrirtækið styðja við þá þróun með áframhaldandi kostnaðaraðhaldi. Afkoma kann að vera breytileg milli ársfjórðunga en langtíma horfur eru góðar.

Kynningarfundur 4. nóvember 2009

Marel boðar til kynningarfundar um afkomu félagsins miðvikudaginn 4. nóvember 2009 kl. 8:30 í húsnæði félagsins að Austurhrauni 9, Garðabær.

Birtingardagar fyrir reikningsárið 2009 og aðalfundur 2010

Birtingardagar fyrir reikningsárið 2009:

- | | |
|------------------------------------|-----------------|
| ▪ 4. ársfjórðungur 2009 | 4. febrúar 2010 |
| ▪ Aðalfundur Marel Food Systems hf | 3. mars 2010 |

Birtingardagar fyrir reikningsárið 2010:

- | | |
|------------------------------------|------------------|
| ▪ 1. ársfjórðungur 2010 | 28. apríl 2010 |
| ▪ 2. ársfjórðungur 2010 | 28. júlí 2010 |
| ▪ 3. ársfjórðungur 2010 | 27. október 2010 |
| ▪ 4. ársfjórðungur 2010 | 2. febrúar 2011 |
| ▪ Aðalfundur Marel Food Systems hf | 2. mars 2010 |

Frekari upplýsingar veita:

Erik Kaman, fjármálastjóri. Sími: 563-8070
Sigsteinn Grétarsson, forstjóri Marel ehf. Sími: 563-8070

Um Marel

Marel er í fararbroddi á heimsvísu í þróun og sölu á háþrúðum búnaði og kerfum til vinnslu á fiski, kjöti og kjúklingi. Við höfum á að skipa heimspektum vörumerkjum á borð við AEW Delford, Carnitech, Dantech, Marel, Scanvaegt, Stork og Townsend. Við erum alþjóðlegt fyrirtæki og starfrækjum skrifstofur og dótturfélög í meira en 30 löndum, auk 60 sölu- og dreifingaraðila um allan heim. Við erum stöðugt að þróa nýjar leiðir til að hámarka afköst og nýtingu í vinnslu á matvælum í náinni samvinnu við viðskipavini okkar.